



Arkivnr: 2014/560-306
Saksbehandlar: Ingeborg Strandberg

Saksframlegg

Saksgang

Utval	Saknr.	Møtedato
Ungdommens fylkesutval		14.05.2018

Delegat på Ungdommens fylkesting 2019 - ikkje medlem av ungdomsråd

Samandrag

Fjell UKS har fått ei førespurnad frå eit tidlegare medlem om å få vere delegat frå Fjell UKS på Ungdommens fylkesting 2018.

Saka har vore lagt fram for kontrollkomiteen som har kome med ei uttale.

Forslag til vedtak

Saka vert lagt fram utan tilråding.

Bertil Søfteland
Leiar fylkessekretariatet

Ingeborg Strandberg
rådgjevar

Saksframlegget er godkjent elektronisk og har derfor inga underskrift.

Fylkesrådmannen, 30.04.2018**Bakgrunn**

Kontaktperson for ungdommens kommunestyre (UKS) i Fjell, Unni Rygg, sendte slik e-post 05.03.2018:

«Roland Fredriksen, født 28.01.2001, har vore medlem, og leiar, i ungdommens kommunestyre (UKS) i Fjell i perioden 2015-17. Han har no teke kontakt og kome med innspel om å få vere delegat frå Fjell kommune til ungdommens fylkesting (UFT) 2019, sjølv om han ikkje lenger er medlem i Fjell UKS. Roland ynskjer å stille som kandidat til ungdoms-fylkesordførar 2019, og vil difor kome på tinget 2019.

Når eg ser i UFT sine vedtekter så står det ganske klart i § 2.7 at «Representantane skal veljast til UFT frå ungdomsråd / UKS i kommunen»:

<https://www.hordaland.no/globalassets/for-hfk/politikk/vedtekter-for-ungdommens-fylkesting-og-ungdommens-fylkesutval.pdf>

Eg fekk likevel tips frå Hordaland fylkeskommune sin kontaktperson, Ingeborg Strandberg, om å sende ein e-post til ungdommens fylkesutval (UFU) og la dåke avgjere om Roland Fredriksen kan få reise til UFT 2019 som delegat for Fjell UKS dersom UKS tillèt det. Sjølv om noverande UKS er positive, i alle fall dei som han har snakka med, så har eg sagt til han at han uansett må legge fram saka for dei som er medlemer i UKS hausten 2018 då det er deira plass han ev. tek over.

I mellomtida så kjem vi såleis med følgjande førespurnad til UFU; om Roland Fredriksen kan få reise til tinget 2019 på vegne av Fjell UKS – dersom UKS i møtet hausten 2018 vel han som ein av deira delegater – slik at Roland Fredriksen kan stille som kandidat til ungdoms-fylkesordførar / leiar UFU 2019.»

Regelverk

I vedtektene for Ungdommens fylkesting står det slik:

«§ 2.7

Kvar kommune i Hordaland blir inviterte til å sende to frivillige og engasjerte representantar til Ungdommens fylkesting som delegatar. Representantane skal veljast frå ungdomsråd eller ungdommens kommunestyre. I kommunar som ikkje har ungdomsråd eller ungdommens kommunestyre bør kommunen sende 2 frivillige ungdommar til dømes frå elevråd eller liknande.»

Vurdering frå kontrollkomiteen

Kontrollkomiteen, ved leiar Håkon Kongsvik, kom med ei slik vurdering i e-post 16.03.2018:

«Slik vi i kontrollkomiteen ser det så vil det ikke utgjøre noe nevneverdig problem at Fjell kommune sender Roland Fredriksen som delegat til UFT 2019 såfremt Fjell UKS formelt godkjenner at Roland deltar på vegne av Fjell kommune med delegatstatus, og at de da er klar over at det vil resultere i at de må sende en mindre fra UKS med delegatstatus.

Vi gjør oppmerksom på at dersom dette skal godkjennes så bør det foreligge et formelt vedtak i både Fjell UKS og UFU som godkjenner Roland sin deltakelse med delegatstatus, dette er med tanke på § 2.7 at «Representantane skal veljast til UFT frå ungdomsråd / UKS i kommunen»

Bakgrunnen for vår anbefaling er at det i all hovedsak er viktig å sikre et sterkt engasjement for fylkespolitikk blant ungdom i Hordaland.»

Administrasjonen vil ikkje kome med ei tilråding i denne saken.